



KOSOVO SPECIALIST CHAMBERS
DHOMAT E SPECIALIZUARA TË KOSOVËS
SPECIJALIZOVANA VEĆA KOSOVA

**UDHËZUES PUNE I KOMISIONIT PËR RREGULLOREN I FORMUAR NË BAZË
TË RREGULLËS 7 TË RREGULLORES SË PROCEDURËS DHE TË PROVAVE**

(miratuar më 10 korrik 2018)

RREGULLA 1 HYRJA NË FUQI.....	1
RREGULLA 2 PËRKUFIZIME	1
RREGULLA 3 QËLLIMI DHE FUSHËVEPRIMI.....	1
RREGULLA 4 KOMISIONI PËR RREGULLOREN	2
RREGULLA 5 PROCEDURA PËR PARAQITJEN DHE SHQYRTIMIN E PROPOZIMEVE	2

Rregulla 1

Hyrja në fuqi

Në përputhje me nenin 19, paragrafi 6, dhe nenin 32, paragrafi 3, të Ligjit për Dhomat e Specializuara dhe Zyrën e Prokurorit të Specializuar ('Ligji') dhe rregullën 13, pika 2, të Rregullores së Procedurës dhe të Provave të Dhomave të Specializuara të Kosovës ('Rregullorja'), më 10 korrik 2018, Kryetarja e Dhomave të Specializuara të Kosovës miratoi Udhëzuesin e Punës të Komisionit për Rregulloren, i formuar në bazë të rregullës 7 të Rregullores së Procedurës dhe të Provave ('Udhëzuesi i Punës').

Rregulla 2

Përkufizime

Në kuadër të këtij Udhëzuesi Pune, përveç nëse përcaktohet ndryshe, termat që përdoren këtu kanë kuptimin e përcaktuar në rregullën 2 të Rregullores. Njëjësi përfshin shumësin dhe anasjelltas.

Rregulla 3

Qëllimi dhe fushëveprimi

- (1) Ky Udhëzues Pune garanton procedura transparente dhe efikase para Komisionit për Rregulloren, i formuar në përputhje me rregullën 7, pika 1, të Rregullores.
- (2) Udhëzuesi i Punës zbatohet në lidhje me çdo propozim për ndryshimin e Rregullores, paraqitur në përputhje me rregullën 7 të Rregullores.

Rregulla 4

Komisioni për Rregulloren

- (1) Në përputhje me rregullën 7, paragrafi 1, të Rregullores, Kryetari cakton dy gjykatës në përbërje të Komisionit për Rregulloren për një periudhë prej një (1) viti. Gjatë kësaj periudhe, Kryetari u cakton anëtarëve të Komisionit për Rregulloren detyra zyrtare, siç kërkohet në zbatim të dhe në përputhje me rregullën 5.
- (2) Përpara caktimit, Kryetari këshillohet me gjykatësit e Regjistrit të Gjykatësve Ndërkombëtarë, me përjashtim të gjykatësve të Dhomës së Specializuar të Gjykatës Kushtetuese, mbi disponueshmërinë dhe gatishmërinë e tyre dhe merr vendimin përkatës.
- (3) Anëtarët e Komisionit për Rregulloren e kryejnë punën pa qenë të pranishëm në selinë e Dhomave të Specializuara, nëpërmjet mjeteve elektronike të komunikimit, përveçse kur Kryetari vendos ndryshe.
- (4) Në qoftë se një anëtar i Komisionit për Rregulloren nuk është në gjendje apo për ndonjë arsye bindëse nuk mund të ushtrojë funksionet zyrtare, çka pengon punën e Komisionit për Rregulloren, Kryetari mund ta zëvendësojë atë me një tjetër.

Rregulla 5

Procedura për paraqitjen dhe shqyrtimin e propozimeve

- (1) Komisionit për Rregulloren mund t'i paraqesin propozime për ndryshime të Rregullores të gjithë ata me të drejtë propozimi sipas rregullës 7, paragrafi 3, të Rregullores. Çdo propozim përfshin:
 - (a) tekstin e ri që propozohet të rregullës përkatëse;
 - (b) arsyet për propozimin përkatës;
 - (c) përputhshmërinë e ndryshimit të propozuar me Kapitullin II të Kushtetutës dhe me Ligjin; dhe
 - (d) ndikimin e mundshëm të ndryshimit të propozuar mbi rregullore të tjera apo mbi cilëndo dispozitë që rregullon procedurat para Dhomave të Specializuara.
- (2) Kryetari mbledh propozimet dhe thërret Komisionin për Rregulloren.

- (3) Komisioni për Rregulloren shqyrton çdo propozim, veçanërisht përputhshmërinë e ndryshimit të propozuar me Kapitullin II të Kushtetutës dhe me Ligjin dhe, sipas rrethanave, ndikimin e mundshëm të ndryshimit të propozuar mbi drejtësinë dhe efektshmërinë e procedurave.
- (4) Brenda tridhjetë (30) ditësh pas mbledhjes, Komisioni për Rregulloren
 - (a) këshillohet me Prokurorin e Specializuar, Administratorin dhe Organin Përfaqësues të Pavarur të Mbrojtësve të Specializuar, në përputhje me rregullën 7, pika 4, të Rregullores; dhe
 - (b) mund të këshillohet në lidhje me propozimet për ndryshime, me ata gjykatës që i kanë dërguar Komisionit për Rregulloren këto propozime.
- (5) Komisioni për Rregulloren përpilon një raport në lidhje me të gjitha propozimet e marra ku përfshihen përmbledhjet e këshillimeve të zhvilluara, mendimi i atyre me të cilët është këshilluar, si dhe rekomandimet e tyre.
- (6) Kryetari ua dërgon raportin të gjithë gjykatësve të paktën tridhjetë (30) ditë para datës së Plenares.
- (7) Në Plenare, Komisioni për Rregulloren paraqet raportin në pika të shkurtra dhe u përgjigjet të gjitha pyetjeve në lidhje me të.